

南方草木狀

荆楚歲時記

北戶錄

桂林風土記

嶺表錄異

益部方物略記

岳陽風土記

東京夢華錄

六朝事迹編類

會稽三賦

中吳紀聞

桂海虞衡志

嶺外代答

欽定四庫全書

史部
武林梵志卷一

詳校官太僕寺少卿臣李廷欽
編修臣程嘉謨覆勘

總校官庶吉士臣朱 鈐
校對官中書臣吳甸華
謄錄監生臣李大任

欽定四庫全書

史部十一

武林梵志

地理類七 古蹟之屬

提要

臣等謹案武林梵志十二卷明吳之鯨撰之
鯨字伯喬錢塘人與吳大山稱江皋二俊萬
厯中舉於鄉數上春官不第謁選得浮梁知
縣卒於官是編以杭州梵刹盛於南宋至明
而殘廢者多恐遺蹟漸湮乃博考衆牒分城
內城外南山北山及諸屬縣凡得寺院四百
二十六所俱詳誌創置始末及其山川形勝
後為天朝寵錫宰官護持古德機緣歷代敷
續四門分紀名派勝蹟高僧支派各編小傳
序錄井然頗有條理其中採輯宋元人詩文
如仙林崇先二寺記見曹勛松隱集智果寺
記見徐一夔始興集而志俱失載不免稍有
漏脫又如宋張敦禮捨鍾者非杭之法雲寺

欽定四庫全書

武林梵志

欽定四庫全書

武林梵志

二

而以名同誤入又撰法相寺碑記者前作梵
楷後作沈楷亦為參錯失檢然搜剔幽隱無
微不至實多武林舊事西湖遊覽志所未載
如明遠堂詩次於蘇軾諸作之後而東坡集
無之張九成喻彌陀塔銘亦不見於橫浦集
張伯雨天池樓詩與本集互異可以參攷遺
文軼事俱足為談藝之資正不徒為伽藍增
故實也乾隆四十五年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

武林梵志卷二

城內梵刹

明吳之鯨撰

按舊志三種俱以仙林寺為首今仍之依次分派一
自南至候潮門一自北至鳳山門以便觀覽

仙林慈恩普濟教寺在安國坊宋紹興三十二年洪濟

大師智卿建賜額隆興元年孝宗改賜額曰隆興萬

欽定四庫全書

武林梵志

三

善戒壇薄祐三年理宗賜額曰飛天法輪寶藏又製

鐘銘賜之銘曰大塊盤噓實薄蓋與眷此洪鐘以

實出虛樂銑其角十分其鼓豈有鑄鼎收金遺禹博

大闡經厚薄和均上開天闢下徹地垠乃警聳聳乃

剽昏曉岩爾有聞孰不心皎以為有聲匪撞不鳴以

為無聲如雷如霆作鎮梵官法音無際擊我神皋萬

有千禪元至正間張士誠據為軍器局洪武四年重

建置僧綱司有司即其鐘樓為郡城昏昕之節正德

間徙其鐘更鑄置朝天門仁和縣歲造土牛迎春於此

天長淨心寺在仁和北壁後洋街晉天福四年錢氏建

南渡後析其地為軍寨咸淳元年興復元季燬景泰

間重建 聶大年送僧日福聽講還山詩云歸去深

居遠俗諱莫救巢燕污絮染從今悟了三生話高倚

瓊臺看雨花 寺內有龍華寶閣宋理宗時捲簾使

許禎建宋亡禎挈三子居之學佛自晦名出塵菴元

欽定四庫全書

武林記

延祐元年前有僧講法華經天華紛降遂名龍華其時

寶閣穹壯冠絕郡城歸併於此者曰清修院正定菴

保福院九曲法濟院 宋高宗幸天長賜僧廣寶詩

云大界宜春賞禪門不掩關宸遊雙闕外僧引百花間

車馬喧長路烟雲淨遠山觀空復觀俗皇鑑此中閒

壽聖寺在虎林山上舊名長壽在東青門外淳祐間僧

無住光隱重建永樂十三年潮壞徙建今所即壽聖

院故址遂名壽聖山上古樸一株為風雨所掣內有

大井銀杏皆宋物也殘碑龍鳳御書之寶篆額尚存

俗稱祖山寺 虎林山在武林門內一里而近有小

土阜高可三大廣不滿百畝宋太乙宮元大青蓮寺

在其下宋為雜造局局廢山之陽舊有此長壽寺後

易名今額

吉祥律寺在仁和縣之安國坊宋乾德三年睦州刺史

薛溫捨地為寺立今額治平二年改曰廣福南渡初

以其地為文思院軍頭司其寺界于兩間仍扁以吉

欽定四庫全書

武林記

祥之額舊傳其地多牡丹熙寧間名人巨公常賞之

寺有觀空閣 蔡端明吉祥寺賞牡丹對月詩花未

全開月未圓看花賦月思依然明知花月無情物若

使多情更可惜 蘇東坡詩銘跋八首賞花人老替

花不自羞花應羞上老人頭醉扶歸路人爭笑十里

珠簾半上鉤 花將落而述古期不至今歲東風巧

剪裁含情只待使君來對花無語花應恨直恐明年

便不開 述古期明日同至因用前韻仙衣不用剪

刀裁國色初酣卯酒來太守問花花有語為君零落
為君開 惜花吉祥寺中錦千堆前年賞花真盛哉
道人勸我清明來腰鼓百面如春雷打徹涼州花自
開沙河塘上插花回醉倒不覺吳兒吟豈知如今雙
鬢摧城西古寺沒蒿萊有僧閉門手自栽千枝萬葉
巧剪裁就中一葉何所似瑪瑙盤盃金縷盃而我食
菜方清齋對花不飲花應猜夜來雨雹如李梅紅殘
綠暗吁可哀 自跋云錢塘吉祥寺花為第一士子

欽定四庫全書

武林梵志

四

清明賞會最盛金盤綠盃以獻于座者五十三人夜
歸沙河塘上觀者如山爾後無復繼也今年諸家園
圃花亦極盛而龍興僧房一叢亦奇但衰病牢落自
無以發興耳昨日雨雹如此花之存者有幾可為嘆
惜也 冬至遊寺詩并底微陽回未回蕭蕭寒雨濕
枯荻何人更似蘇夫子不是花時肯獨來 後十餘
日復至東君意淺著寒梅千朵深紅未暇裁安得道
人殷七七不論時節遣花開 觀空閣銘過眼榮枯

電與風久長那得似花紅上人宴坐觀空閣觀色觀
空色即空

大中祥符律寺在祥符橋畔梁大同二年邑人鮑侃捨
宅為寺舊名發心唐貞觀中改東善神龍初改中興
宋真宗時改大中祥符其廣九里子院有千佛閣諸
天閣戒壇院內有鐵塔一石塔四錢王所鑿九十九
眼井寶靈芝大智律師受經之地金人南寇燬于兵
南渡初斥為軍器所元初仍建寺至正末燬洪武間
重建其傍地盡為軍民之居 蘇子瞻祥符寺上元
觀燈詩紗籠擎燭迎門入銀葉燒香見客邀金鼎轉
丹光吐夜寶珠穿蟻闌連宵波翻焰裏元相激魚舞
湯中不畏焦明日酒醒空想像清吟半逐夢魂銷
曾子固詩月明如畫露華濃錦帳明廊笑語同金地
夜寒消美酒玉人春困倚東風紅雲燈火浮滄海碧
水樓臺浸遠空白髮蹉跎歡意少強顏猶入少年叢
可久師上元詩門前燈火闌分明一室清風冷欲

欽定四庫全書

武林梵志

五

冰不把瑠璃開照佛始知無盡本無燈

長壽庵 放生池記西湖古放生池也法久而敝實亡

名存敝之久而安焉恒產乎水族併述其名若罔聞者歲在乙未予演圓覺于佛國山之南屏南屏故有池當其三門一時主會諸名公捐資贖而出之植蓮其中斷漁業人由是知放生池為武林舊事既而予復鑿池上方既而北門有園園有池復贖之園距上方南北相望者半拘廬舍而城之內有二放生池矣

欽定四庫全書

武林梵志

項子碑上方謂以是為之兆兆且引而蔓延之顧予德微年衰不足以風未知繼此而興起者更幾池也上方苦隘僅為池餘少葉竹羽蟲之獲迨其生者聊以依止茲頗開曠池聯比擴之則濺然成浸水涵而土山壘之則蘊然成山循而界之則幽然成徑相其宜而樹之竹木則鬱然蔭而成林將使嚶嚶洋洋樂而相忘雖無絲擬飛泳亭之萬一而猶冀想像其遺踪則上方所不逮也園以東為興福禪院旋而南為

養濟院又旋而西為得一道院養濟音號悲田聖主賢臣哀貧民之顛連而無告者設也今之困餒餒伏質于刀砧必不可逃而待烹其無告尤甚質而畜之池縱之林俾終保殘壽慈航如馬佛示三福云慈心不殺而五福千集嗜亦壽為其最溺殺而重壽之福孰如馬天地之大德曰生舜之德曰好生德一而已上清下寧侯王所以配兩間之久長負萬物之壽命者恒於斯德孰如馬儒道釋三聖人之偉蹟鼎峙夫三方若環拱然而園介乎其中是曲阜之仁里摩竭之慈室西華長生葆真之靈宅天合而冥隣也豈偶然之故歟夫救生之滅也而有生求其生而未嘗生也而無生無生然後無不生則生滅一生滅一則福與于無相悲濟于無緣福不可得悲不可得一亦不可得唯法性常住不斷不續同于虛空彼梵網以放生為常住法常住者金剛身無量壽也過養其園曰長壽而園有荒廬數楹飭治之為供接引導師及當

欽定四庫全書

武林梵志

七

來慈氏尊像蓋津梁所放一切含靈先生安養息輪
迴苦後于龍華而得授記也廬止是無增多以淨戒
僧守之守之方具如上方記中語時里之父老聞
予言前執予手歎然太息曰國之源吾弗知之矣吾
猶及見二禪人居焉向捨其古為伽藍而業已疏圍
莫返厥初吾何圖重睹今日也是役也始其事者予
與化卿宋君而諸上善人樂助而成斯美利者例得
書碑左云祿宏記

欽定四庫全書

武林先生

青蓮寺在車橋北宋隆德間錢氏建祥符中改淨戒院
先是宋元豐中吳處厚以皇嗣未立上書乞立程嬰
公孫杵臼廟詔封嬰為成信侯杵臼為忠智侯廟食
於絳後又以韓厥存趙孤三人皆以春秋祠于祚德
廟紹興二十年建祚德廟于院內以春秋二仲祭之
至正末張氏據聖壽青蓮二寺為府而廟亦廢

崇福庵在平安坊石晉開運三年僧義宣教厚法師建
宋元兵火因仍入國朝復興嘉靖間僧苦傑役乞

庇于總戎萬鹿園捐萬氏宗祠幾為所據萬厯乙酉
僧能惠等募贖鼎新殿剝宏偉絕侶雲集稱十方禪
院馮夢禎沈板虞淳熙為之記

法輪寺在觀橋南五代長興中龜法師建於城東湯鎮
額曰觀音後改安國宋大中祥符間改法輪洪武間
立為叢林永樂十八年潮嚙殿基僧至恂改建今所
棲禪雪洞院在平安坊吳越王建於艮山門外名觀音
院建災間改棲禪院至正十二年僧時俊作雪洞于

欽定四庫全書

武林先生

今處移請舊額為棲禪雪洞院今併慧雲寺 僧泐
李潭詩洞雪團圓白飄來不自風悅疑雲母室如在
水晶宮大暑翻愁冷深春未覺融不須燈照夜定起
月朦朧 祥止庵禪室虛生白居之最吉祥了經何
待月上髻不知霜宿恐雲來借寒愁火有妨老禪棲
息穩無復夢華陽

興福寺在斜橋南宋紹興丁卯左丞薛昂以花藥園施
僧慧觀築菴名曰擇勝尋建佛刹請龍山廢興福院

額表之國初定為叢林

止止菴在義同安谷坊萬歷三十年僧如玉重建

廣壽慧雲禪寺在三掖營呼宋淳熙十四年張循王之

孫鉷捨宅建寺紹熙元年賜額俗稱張家寺有留雲

亭白蓮池元至正間燬洪武十七年僧文副重建永

樂九年永忠宣德間廣睿弘治元年福海相繼重建

萬歷間旁地侵為寨西湖辛亥復原額 僧梵瑯留

雲亭詩云人家十萬繡成堆未抵南湖一段奇象草

欽定四庫全書

武林梵志

不來春草綠小亭雲鎖紫琅玕 僧德祥白蓮池詩

云念念西池道路賒東池今已種蓮花他時若到西

池上應念東池是故家 吳用先重修慧雲寺建宣

義張公祠碑慧雲者張宣義所捨南湖園宅紹熙間

請于朝以為寺者也歲久漸湮狹少其額連東稍稍

入軍營而所為南湖俗稱白洋池者亦不知何時并

入民居萬歷間復有豪依大璫踞其寺之半并沒其

所失額于軍營者即其宮室安處其上為年且二十

有餘余與右轄實公力清故物盡反所侵併營房悉撤

還寺俱復其相慧雲已光復矣已與孫司理喬仁和

楊錢塘謀修飾佛宇首建張公祠以酬其宏深之願

古今之捨宅為寺者多矣即右軍東山輩皆慧業文

人卒不聞親勒文字建之金石慧雲獨有之模疊碑

所手書預製發願疏出自血誠讀不能終篇淚潛潛

下想見公之為人也史魏國與公同時稱公閑居遠

聲色薄滋味硤硤詩文自處不異雕布考之史乘殊

欽定四庫全書

武林梵志

非實錄魏國蓋以是飾公焉夫公雄才大畧風流大

雅人也玉津討賊之舉公實沈幾製為文章靈心燦

出筆彩縱橫絕無書生筆墨之氣蓋非硤硤以此道

見者自奉松修園池聲伎服玩之麗甲天下南湖園

世所傳漆霄亭玉照堂諸勝在焉即其排比十有二

月之燕遊各有次序而牡丹一會名伎且百數十人

梅花之社一棹徑穿十里宣齋觀小生為假令歌舞

濃而感慨生杯酌酣而逸興闌此亦稱英雄回首大

力矣而考南湖捨寺之年願即其經始之第二歲諸所賞心樂事之見于南園者乃更其假舍寓居于所捨之後是誠何心哉公之言曰光明藏中孰非遊戲若心常清淨離諸取著于有差別境而能入無差別智則淫坊酒肆徧歷道場鼓樂聲音皆護般若情遮物隔境逐源移如鳥黏黏動傷性命又烏知所為說法度人然則公之捨寺也寺與家等捨與不捨等身後之捨與生前之假寓等赤洒白淨不挂一絲真

欽定四庫全書

卷一百一十五

七

捨矣彼所為滄海桑田之感公實無當焉而圖報福田之論猶淺之乎言公哉乃知真用世人真丈人真受享人即能為捨其用世捨其文捨其受享而大展手眼于覺海無邊中也斯寺一區公之自力實足以莫之發願之丈猶其誘人者耳寺迄今猶呼為張家寺公之真識在人也慈雲其舊所賜額踞杭北城長山門之西南湖之上其中東西井各一原碑載地百畝今清得為畝者五十四有奇為弓者一千三百十

七有奇周以界石東底營南界長和巷西許田北負睥睨後之人如有妄覲而搏取之者公之誓文可畏也公名鑑字功甫別號約齋循王之曾孫官宣義郎直秘閣判臨安軍歷右司郎為少卿云 張鑑自撰誓願文云大乘菩薩戒弟子承事即直秘閣新權通判臨安軍府事兼管內勸農事張鑑右鑑一心歸命本師釋迦牟尼佛當來下生彌勒尊佛西方極樂世界阿彌陀佛十方法界諸佛諸大菩薩緣覺聲聞大梵

欽定四庫全書

卷一百一十五

七

天王帝釋尊天四大天王韋馱尊天守護正法天龍八部大權聖眾五岳四瀆名山大川祠廟神祇伏望不離真際普賜證明鑑恭以欲導羣迷必闡揚于佛道將興遺教宜建立于僧坊勝福難思契經具載鑑生佛滅後值法住時幸發無上心願學第一義念真乘難逢于曠劫思慧命常續于未來助行欲妙于莊嚴隨力當施於利益深心所在至願方陳閭浮乃衆生選佛之場震旦多大乘得道之器教法東漸而獨

此為盛祖師西來而其傳不窮由是衆多之伽藍偏我清淨之國土或據名山勝地或居赤縣神州皆古德之所興實檀那之自創伏遇主上體佛心而治天下崇祖道而設宗門惟錢塘駐蹕之方乃寰宇觀光之地昔相國曾聞十禪之建今在所未見一刹之隆如來演教于王城蓋居精舍宗師接人于闌市可乏叢林都民膠擾而罕聞說法之音衲子往來而靡有息肩之處慨斯闕典久矣經懷昨倦處于舊廬遂更謀于別業園得百畝地占一隅幽當北郭之隣秀踞南湖之上雖混京塵而有山林之趣雖在人境而無車馬之喧爰剪荆榛式營棟宇勞一心而經始歷二歲而落成念勝處可作精藍而薄德豈宜於大廈願棲身之尚賴姑假舍而寓居浮生自嘆于艱虞幻質累縈于疾疚求佛祖之加被祈天龍之護持增長善根銷除宿業年得踰于知命運獲度于多灾必法尊經變穢坊而成淨域定依前哲捨居宅而為梵宮用

分常產之田常作香厨之供願主席者皆有道行使掛錫者咸悟心源為東方立光明幢與末世灑甘露雨揀草不離於當念布金何惜于他緣言弗苟陳普無終悔鑑切慮事有多障時不待人先期或至於報終異議恐紛于身後宗族長幼朋友親姻或稱亂命之難從或謂名教之有害引屈到嗜芟之說謂王旦削髮之言壞我良因奪我素志以至恃勢力而求據占由賄賂而請住持輒汙招提妄譚般若展出佛身之要是斷正法之輪死當墮于阿鼻生遂遭于奇禍特將此誓痛警若人俾革一時之狂心勿受歷劫之枉苦蓋念起立墻廟飯食沙門流通大事之緣成就圓機之善恭願皇國鞏固睿筭增延期永措于兵刑庶宏持于像教上薦祖先父母次及知識親八難三塗四生九類悉資熏而獲益總解脫以超輪廣此願心周乎法界作菩提之妙行為淨業之正因佛國俱空畢竟首登于極樂法身非有不妨面奉于彌陀

普興有情同成此道謹疏其碑現存書法適娟酷似
小米雲間董太史其昌極珍之復有魏國公史浩撰
記學士樓鑰書俱存

七寶寺在鹽橋東梁貞明七年錢王建名上方多福院
宋大中祥符間改今額有六游堂臨暉閣郡守王欽
若詩

普照院俗稱報師菴在鹽橋北晉天福八年錢氏建舊
名報國千佛院祥符間改今額洪武十四年僧正宗

欽定四庫全書

武林梵志

卷一

重修嘉靖八年燬重建

潮鳴寺在慶春門北梁貞明元年建初名歸德院高宗

南渡駐蹕寺中聞江清聲賜今名寺北有回龍橋高

宗嘗作詩賜統制劉漢臣勒石寺中 詩云野寺參

差落漲痕疎林散倒出霜根扁舟一棹向何處家在

江南黃葉村兵燹重建洪武二十四年立為叢林

普慈寺在蒲場巷內宋紹興間僧思淨建元至元間僧

元忠修

水月菴在潮鳴寺東僧道弘拓地四畝構禪堂焚修其
中旁有放生池

蓮尾菴在土橋東古延壽菴址燬于兵萬曆六年里人

虞淳熙建懺室延紹覺法師安居而加拓之結禪講

期方伯吳公碑定額為蓮居有記 虞淳熙載錢塘

志曰廣承字紹覺潘氏子少頓悟師圓鑑勤三七懺

精相宗雲棲宏命之代講於天台賢首教模象知形

無師自會晝夜號衆圍繞戒鐘甚堅後觀佛面西而

欽定四庫全書

武林梵志

卷一

逝 方伯浮渡居士吳用先碑記武林故稱佛國古

刹精藍貢相望于山林城郭間然天下莫不重趺而

走雲棲者非獨其剎勝也禪教律爭取宗焉四十年

來法嗣蕃布區中其間紹明教律以一精藍走天下者

則無踰蓮居云蓮居為紹覺承上人菴院上人即雲

棲首座余既獲參請雲棲謀以公餘謁講席而竟示

寂往冬寒所老衲飛錫蓮居亟為余道其生平甚悉

蓋年未三十已從雲棲大師應期吳越間所至輒命

代講儼然堪作人天範矣而猶不自滿假遯歸建轍
室禮法華足不窺戶外者六易寒暑嚴淨毘尼研討
三藏於台宗尤宿契焉弱冠解六即義時賢悉為遜
席讀法華玄籤會釋過目即能點檢其記演唱盡二
十年四方弟子日益進上人為之搜玄抉秘破難析
疑盡形壽無幾微倦色入率擬師智者後身上人欲
然自視若未敢厲行于四明荆溪間也既以聲聞行
律身又以菩薩行弘法視末世中濫據法王之席而
缺篇犯聚空腹高心且哆口增結姜沙云者何嘗在
羣之鶴翔似之鳳乎以故崛起一隅竭屢四衆叅雲
棲而下即叅蓮居城東咫尺地卓然為海內一時法
窟云蓮居當慶春清泰二門之間左負郭右亘土橋
門繞清流竹樹環列臨其地者恍然有樂邦水樹之
思焉先是依大覺上人於萬曆六年始建二十四年
上人復加拓之懺室則德園虞公所建菴名則古鄞
屠長卿公所顏余更為酌定者也其徙大真三十五

年佃地在巷師歿而真主菴事二三居士復為廣室
置產時共四方名宿結禪期講其中宛如其師在時
嗚呼天下古跡名區半委之斷崖衰草蓮居以一泥
丸馳譽二紀且使予若孫悠然承之可久可大豈非
法席之興以人不以地而行寡儀範學無師傳固難
以虛聲籠世也哉余故樂而志之使知蓮居所以蔚
為世宗者誠非偶然而雲棲一滴水其沾溉固無涯
也上人著有心經二解唯識因明觀所緣緣論記若
千卷方謀梓行世其懿行備載銘傳暨錢塘誌中弟
子具辨才能升座者甚衆茲不復詳聊志菴居始末
如此
華藏寺在橫河橋東唐清泰二年吳越王建名報恩院
大中祥符間改今額淳熙十五年重建 僧濟天岸
詩清泰年間古道場門前馳陌幾衰涼破除客夢憑
吟草陪伴禪心有佛者實地月來清耿耿江城潮落
夜鐘鏗叮嚀細柳營頭鼓莫放騰騰更點長

悟空寺在淳祐橋東晉天福七年僧齊教建名崇新院
大中祥符改額淳祐六年法昌重修元末燬永樂元
年德兼重建門有小溪茂樹可蔭

長明寺在螺蛳門內晉天福間建宋開寶四年錢忠懿
王改名法燈治平二年改長明佛印禪師開講于此
元季燬弘治十五年僧如瑱重建萬厯庚戌革治一
新

相國寺在淳祐橋東北百步許北齊天保六年建名建

欽定四庫全書

卷一百一十五

三

國唐時燬為鄭景宅園景雲初僧慧購為寺值睿宗
由相王即位賜名相國元末燬洪武初僧大雲重建
置僧綱司於內正德八年僧東明重修尚書洪鍾為
之銘 費宏詩舍衛結禪林幽棲一徑深竹窓懸綠
蔓蓮座相黃金解脫身前葉遙知去後心坐談那忍
別殊為滌煩襟 虞淳熙詩行到雲深處雲深故不
飛鐘聲遲好月詩思轉明瓊入午藤花飯經冬薜葉
衣那知人世裏辛苦屬輕肥

靈芝崇福律寺在東花園崇新巷俗稱蠟燭巷唐貞觀

已酉年郡人施光慶捨宅建名實際院宋佛印禪師
重興元季燬元統間僧妙通重建洪武二十四年立
為叢林永樂間徵僧能守纂修永樂大典宣德徵僧
如真校修藏典正統徵僧智淳說戒開壇為天下傳
戒宗師乙亥年辭朝沐浴坐化皇上遣禮部趙昂諭
祭智淳曰爾夙悟善緣堅持梵行過膺榮命為釋宗
師方闡法音道人為善倭云示寂良可悼嗟靈其如
存服茲諭祭賜勅諭祭碑額見存為律宗第一山錢
塘縣歲造土牛迎春于此 元時劉伯溫以行者都
事坐法宿菴中簡後上人詩云城外春江動客愁江
邊細草綠悠悠還將短髮臨歧路畏向東風憶舊遊
斜日遠天歸鴈急薄雲孤館落花稠青燈不放還家
夢一夜腸回一萬周萬厯壬寅僧如克重修
大慈菴在墓園巷宋淳祐四年僧德殊建洪武三十四
年僧可觀重修

欽定四庫全書

卷一百一十五

三

金剛廣福教寺在章家橋東晉天成間善果法師肩負金剛總息于此夜放光明陳少師感異捨地為寺初名功德院宋賢佑年間理宗賜今額至正末燬洪武十八年重建有衍慧堂御史謝文昌記萬曆辛亥寺僧常秀捐衣鉢募衆重修

妙淨菴即古妙淨寺在香餅子園萬曆甲寅沈宮詹淮集善信重建延雲棲僧大雲焚修於此

祇園寺在東花園獅子巷西北太平興國間僧清照建

舊在郊臺側南渡後造御馬院移築于此至正間燬

重建

東岡寺在獅子巷西乾德元年德法師建紹興三十二年賜額永樂十八年僧松巖重建

惠林寺在蒲場巷紹興初汴僧惠林禪師隨駕來杭建興國院于天慶坊嘉定四年移于薦橋門外報國寺基改名惠林元至正間展城圍入尋燬洪武初僧曇芳重建

佛惠寺俗呼青火屋巷在仁和縣之義和坊元大德間建後燬景泰間重建

崇寧萬壽教寺俗呼姚園寺在高陽間巷宋初為姚氏花園紹興初僧慈昌購園結菴乾道初賜額淳祐二年建廣福殿以奉理宗御容元季燬洪武初僧大雲重建

慈雲寺在高陽間巷周顯德二年僧圓覺建名慈濟大中祥符間改今額理宗書靈感道場四字洪武二十四年立為叢林沙門延禮重修嘉靖二十年燬僧圓

鼎重建

水陸寺在獅子巷南宋太平興國七年生法師建咸淳間僧師則重修內有銀杏二株甚巨蓋宋物也寺故在城外張氏展城圍入蘇軾寄水陸寺清順師詩草沒河堤雨暗村寺藏修竹不知門拾薪煮藥憐僧病掃地燒香淨客魂農事未休侵小雪佛燈初上報黃昏年來漸識閒居味思與高人對榻論

白蓮寺在仙林橋東晉開運元年吳越王建名華藏院
宋治平間改妙惠院咸淳間僧祖顯誦經持戒地產
白蓮因賜白蓮妙惠寺額

下水陸寺在平安坊舊名無碍院宋嘉熙三年被潮水
衝坍僧行椿于太平橋西南無碍院住寶佑二年奉
禮部符據臨安府四月給帖賜額重建改今名東有
古栢軒

孝義巷在菜市橋西即古無碍巷故址萬厯間禪師殊
欽定四庫全書

宏重建方伯吳公及郡邑長各助資給劉名孝義無
碍巷方伯郭子章匾曰超塵詳司馬宋應昌記 蓮
池禪師少與予同業贊校予登任禪師出家為嘉靖
乙丑禪師風志方外以二尊人在不敢離既先後歲
雙失怙恃將力酬所願而室人湯氏年才一十有九
前兒殤亡憶予與之親疑未決已而念風燈石火時
不我延遂疾從薤染湯處室齋戒禪誦與其母偕母
尋故子然梵居宗人議後以三姪文彬無何湯亦脫

簪珥為尼僧召文彬謂曰茲無所事後不後我因無
害彼生而養死而服而殯而祭世法也吾學佛存資
鉢衲致歸閨維耳夫何求哉因舉所有田廬普給羣
姪於文彬低昂之而別以居屬大彬已從隣僦舍絕
樞遂門夕燈晨香聞如也嘉禾朱公子衷純追厥先
大夫銀臺盧翁先生遺意首事構巷而予與一時宰
官居士比丘某某從史馬累百金買趙氏故宅宅苦
隘水文學施傍屋一楹附益之又歲久頽圯幾盡衆
相與施材緇侶之能匠石朽壤春插者相與施工施
力中為禪堂鑿井於左廡餘垣軒厨漏畧備而已予
惟禪師無子無留貲無素所憑依故舊親戚僚友湯
以年少婦獨御家政伶仃苦辛多歷年所如一朝及
其分田割廬皆出本懷亦難矣諸上善人憐而巷之
義舉也舉于義則十方常住業也後清信女展轉相
續焚修于此巷遠為二尊人莊嚴報土又孝思之道
也按府志菜市橋西有古無碍巷其後漸沒入于民

家徙而北里之者既告予以斯地正菴之舊址父渥
忽興蹈天意非人力而義以孝不虛孝以義不泯若
交相成而不相悖乃沿古證今合而顏之曰孝義無
礙菴沈氏子孫尚其念之茲之以無忘孝義永為人
天福田流慶淵淵後必有昌大其門閭者湯法諱殊
錦暨禪師同師開中南五臺性天和尚邇禪師出家
逾四十稔蓋行年五十九而菴成

崇恩延福院在鹽橋下八界舊係西北流寓濠州鍾離
欽定四庫全書

跡孔雀妙明寺淳熙十四年嗣濮王請為功德院賜
今額

聖壽寺即永福寺在後洋街宋嘉定元年僧永明建淳
祐間賜額永福以奉秀王香火元至元燬洪武初善
祥重建宣德十年賜今額

覺苑寺在豐樂橋東宋嘗徙三聖廟于此改賜額口旌
忠廟寺久廢宣德中重建

十頃廣化院在木子巷北開平元年吳越王建舊名千

頃大中祥符九年改賜今額中興後為臨安府祝聖
道場僧了性精于醫善草書東坡嘗為作六觀堂老
人草書歌趙清獻公名其堂曰垂慈堂以著其療疾
濟人之功東坡草書歌物生有象象乃滋夢幻無
根成斯須方其夢時了非無泡影一失俯仰殊清露
未晞電已徂此滅滅盡乃真吾云如死灰實不枯達
揚作戲三昧俱化身為醫忘其軀草書非學聊自娛
落筆已喚周越奴蒼鼠奮髯飲松腴刻藤玉版開雪
膚游龍天飛外人呼莫作差游羊氏妹參寥子千
頃解院觀司馬才仲遺墨詩朦朧春雨濕村橋竹裏
禽啼婆餅焦度谷倦聞車軋軋穿林愁聽馬蕭蕭細
窺陳迹僧房靜點想風流邵俗消浮魄浮魂今已矣
無人為作楚詞招

明慶寺在木子巷北唐大中二年建為靈隱下院大中
祥符五年改今額宋中興駐蹕視東京大相國寺凡
朝廷禱雨賜宰執百官建散聖節道場咸在馬淳熙

十四年六月嘉熙四年七月皆以禱雨車駕臨幸理
宗回鑾撒蓋甘雨隨至平章喬肅公行簡獻詩賀上
用韻以賜又御書明慶二大字淳祐六年重建法堂
御書南山道場為額嘉泰三年建閣藏御書扁曰宸
奎萬壽之間有蘇文忠書觀音經碑及題識大智祖
師書彌陀字碑又有法喜堂明碧軒 王荆公為僧
修廣作法喜堂詩浮屠之法與世殊洗滌萬事求空
虛心思以此不掛物一堂收身自有餘堂陰置石叟
欽定四庫全書
石林先生集
卷一
二十

業別來江外幾秋風道人無復人間世嗟我今為白
髮翁 趙忠簡公明慶僧房夜坐詩月明窓竹冷橫
斜坐看風燈落燼花老眼病餘細字枯腸寒甚怯
清茶慶空豈是久為客夢短其能飛到家但有流年尋
鬢髮蕭蕭蓬葆霜華
菩提律寺舊在錢塘門外宋太平興國二年錢惟演捨
宅為惠嚴寺七年賜額建炎間火紹興中復建有堂
二曰南漪堂迎薰堂東坡題南漪堂看杜鵑花詩勒
于石至元末築城徙寺于憲司吳方太學街東永樂
間節菴守公被召修大典智淳修戒律別原修藏典
約宗亦以高行被召四代入觀亦沙門榮遇云正統
十一年丙寅七月丁卯朔初九日皇帝遣禮部郎中
趙鼎賜祭宗師智淳曰爾風悟善緣堅持梵行邁膺
榮命為釋宗師方闡法音導人為善條云示寂良可
悼嗟靈其如存服茲諭祭萬曆二年重建後殿內奉
旃檀白衣觀音像 蘇軾題南漪堂看杜鵑詩南漪